

天一閣集

天一閣集卷之三

四明范欽安卿 著

送袁明府二首

盈盈河畔宿燁燁揚朱光翩翩京洛客行行逝豫方
睽別自此始踟躕蹊路傍攬衣不盈手促席聊引觴
念我平生懽義分明秋霜豈無雙飛鳬天漢遥相望
飄風振中野我馬何蕭森改馬即伊汝伊汝廣且深
游雲委川澤逝鳥凌高岑行人懷徃路惻惻芳景沉
所希在盛時苦辛非所謀君諒執明德慰我離居心

寄鄭德卿

步出郭北門遙望天南溟
游雲布層陰回飈日夕起
四顧無行人淚下不可止
脩蘭被廣澤含英一何瀟
我欲擷此蘭投贈同心子
路遠河無梁霜霰溢中軌
奮翅附黃鵠哀鳴亦求侶
奄忽時命改河清詎能俟
徬徨將何爲獨立以延佇

送韓氏二首

炎飈扇朱夏鷦鷯相悲鳴
之子事行役整駕發明京
狐狸翔道旁噉噉晨鴈征
翔風卷枯藿日御下滄溟
萬物各有歸居者日經營
出門懷遠道車軌當我停
所志在四海無遺心鬱蒸

田侍郎長逝二首

送吳山人遊太末二首

送姚順之

送舒伯明二首

少年行

和沈嘉則七言絕二首

湘妃竹

秦王卷衣

吳王試劍石

高帝斬蛇劍

賈佩蘭出爲段孺妻

探丸

歲鉤

蹴鞠

鞦韆

春日獨當壚

七寶避風臺

薛夜來

清夜遊西園

愛妾換馬

採蓮女

若耶溪

宮蚕

北風吹裙帶

燕姬墮馬

春閨怨

送人還吳二首

遊覽詩十首贈余子浙傳淮藩十首

送人還吳

它山展謁即事

庚戌秋偕王同野袁池南陳它石史西泉行遊
至蕙江觴詠甚適迨壬午載過諸子化爲異物
邇念往昔悵嘆彌襟

聖壽寺示僧

貽昱上人二首

挽李徵君春亭二首

史相墓四首

新月詞十首奉和東沙

卷之十八

序

贈大叅孫槐溪序

贈毛大尹遷台郡丞序

贈大叅王方湖序

贈丘次臯移衢郡序

贈郡侯張巽峯考績序

楊右河侍御窓稿序

壽屠淑人六十序

壽張朴菴八十序

贈王憲副印東平倭序

贈少保梅林胡公序

贈梅林胡公節制江西軍務序

送新洲叔叅軍福寧序

卷之十九

序

贈包白厓序

送曾封君東歸序

贈奉化楊大尹序

贈廬都督序

壽黃公七十序

送曾郡侯遷陝苑馬少卿序

送張別駕序

贈總督浙東遊兵艾

君序

送雷郡侯序

贈劉憲副晉大叅序

送賈大尹遷度支序

壽太僕卿史公七十序

林鳥無定棲群起競南翔顧念平生親音塵何渺茫
昔爲月下娛今爲穴中藏穴中無返日涕泗霑衣裳
結髮事明主黽勉遵畏塗崇山夾廣川涉歷周寰區
職務紛填委苦心銷形膺愧彼中林月積歲阻歡娛
山靈日貽誚松菊皆荒蕪竭來返初服長鑱時我俱
賴有種秫田頗供賓友需駟馬豈不貴傾奪增憂虞
高揖謝王侯斯言諒匪虛

今夕復何夕節候屆中秋物情慕歡暱京洛盛遨遊
煌煌金張第列席停華輶瑤瑟奏雲和芬香薦庶羞
左盼邯鄲舞右聆吳娃謳千金迭起壽竟夕未云休

嗟嗟萑門士抗節寡倫儔著書盈篋笥藜藿苦不周
荏苒百世後跡往名以留塗轍諒殊岐達士將安求
天衢羅層闕窈窕稱珠宮飛櫺排雲霧綺䟽象芙蓉
居中有嫦娥光彩耀流虹仙人七十二列坐揚休風
上有桂樹枝下有玉兔叢涼秋三五夕冰魄彌澄融
我欲從之游虎豹守重扃引領徒躑躅精誠何由通
不懼流年逝但憂神慮窮安得王子晉驂駕凌蒼穹
寂歷仲秋夜零露沾衣裳百卉淒以腓蟋蟀鳴我堂
嗟彼同心友飄散在他方山川渺采阻戎馬浩縱橫
四顧斷行旅尺書不得將壯者日以老老者日以亡

輾轉夜不寐起視明月光清輝燭毛髮猶然隔中腸
何因駐光景順風託翔翔

黃雲亘西北胡馬恣南遊華月當空滿河塞急防秋
桓桓貔虎將啣命備荒陬腰懸五尺韃手提雙蛇矛
出門辭妻子慷慨赴國讐所期樹名勲列爵齒通侯
時命值垂蹇功高不見收去去三十年形摧華髮稠
同行帳下士零落委山丘含情訊明月何日大刀頭
明月不我顧默默將何尤

名都有佳人灼灼桃李姿艷陽二三月採桑臨路岐
纖手織流黃光彩何陸離交頸雙雌共繚繞連理枝

良人在戎行歲久滯還期薄暮下空房明月鑒羅帷
嚴霜塗前除流飈無停次君身豈不單何由慰相思
取彼手中織裁君身上衣路遠曠莫致愁嘆形神疲
願爲華月影相隨東西馳

圓景生東海流輝入太清蟾蜍一薄蝕奄忽六合冥
腐鼠嚇威鳳驚足齒驥乘蕭艾隨風揚幽蘭戢其英
物理恒參差明晦寧無因姬旦遜東國尼父沮晏嬰
淒涼千載下此意誰當明三復巷伯篇氣結不能平
漢宮盛佳麗曲房森鉤連燕趙徵佳人粉黛盈三千
冶容傾春葩被服霓裳鮮日夕紛奏御承恩誰得前

我欲望昭陽昭陽高造天秋風捐團扇流塵掩朱絃
羲和促六轡容華難久妍還顧望明月孤魄行中天
悽惻佇永夜君恩倘未旋

鬱鬱北邙山壘壘盡塋域白楊起悲風霜霰浩無極
彭殤混一區王侯等廝役汨沒垂千秋行人淚沾臆
朗月無迴照人命豈金石驅馳聲利場誰爲千歲客
良時不歡娛亡沒將何益寄謝浮世人茲理良可繹

送屠田仲四首

婉婉青雲客晨起理嚴裝振策出門去飄飄之朔方
游雲被廣澤積潦橫相望雙星揚素輝脉脉河漢傍

游子無定所俛仰以傍皇豈不念儔匹道遠不可將
丈夫志四海結髮即慨慷無爲在路岐忉怛徒內傷
丹山有靈鳥光彩紛陸離饑餐玉田禾栖必梧桐枝
覽輝下來遊千載乃一時俯視鳩鷺輩卑濁良足嗤
皇風播太和四國咸清夷廣樂襍焉陳何當復來儀
阿閣亘中天非爾將疇依

青陽布廣陰鳴鳥何啾啾居人懷晷慕婉嬋自相求
念當卽長路執手不能留川谷莽桀阻歲日奄忽流
幸有盈尊酒與子展綢繆臨觴復不御徙倚心懷憂
惜無黃鵠羽萬里從遨遊

宿昔遊京洛賓友羅如雲風波一失所棄置江海濱
往茲踰壯齒泯泯猶無聞賴子忘年友誼分久彌敦
悵然感茲別縞帶申殷勤帶以繫不忘縞以明心神
黽勉崇令德別離焉足論

送程孟孺歸玉山四首

秋風何蕭瑟獵獵鳴清商百卉淒以腓雲露浩縱橫
遊子出門視感嘆結中腸客遊豈不樂所思在高堂
恩深侔天地跬步詎能忘對餐不復御中夜起徬徨
駕言即長道驅車返故鄉

迢遙滄海上昔奉爾翁過中林展懽娛高義明山河

整轡還故里浮歲倏蹉跎
竭來問興居零落委山阿
逝者日以邈存者日以睹
嘉會不可再我懷當如何
俯仰六合間涕淚徒滂沱

晢晢雙明星叅差河漢涓
飄飄遠行子別我當路岐
大江莽浩渺流雲西北馳
迅飈無停吹群鳥鳴聲悲
豈不懷睠戀嚴程有前期
歲月既綿曠川陸亦逶迤
安知非浮萍遇合能有時
黯然摧中情悽惻當語誰
鬱彼懷玉山結構象丹丘
上有千尺松其下澗水流
曠與塵世隔僊人下來遊
子也稱倜儻結念嗜奇脩
倥傯爲我師喬松爲我仇
周行耿四極日月等浮漚

我今希却老與子結綢繆豈無金光草遺以抒我憂
送秦司理春暉三首

天路何寥廓靈鳥紛翱翔有客抱竒瑰駕言之朔方
朔方渺何許川陸鬱相望朝汎洪河濤夕指燕薊疆
僕夫告奔迫有馬亦玄黃豈不念苦辛結念在周行
中誠炳天日何懼不抒將上以敷

皇惠下以服官常

西北有層闕崔嵬上造天象緯紛鱗次日月互廻旋
中有神聖居端拱秉幾先晨曦啓陽谷軒騎若驚川
廣庭萃百辟訐謨咸披宣猶然遠臣臻拜舞何翩躚

月一冊集 卷之二
昔奉欽明訓一往俄三年夙夜殫圖惟率職良已虔
皇心肆悅豫錫命以駢蕃

晨起嚴城闕冠蓋紛油油薄言修郊祖展席羅道周
驪駒歌始闕頃臾不可留曠若辰與參歡覲懼無由
流雲歸川澤鳴鳥戀匹儔矧茲睠慕懷輾轉無能休
欲假羲和御翼以造父騶追驅效馳力衢路猶阻修
豈無雙鯉魚以慰心離憂

天一閣集卷之四

四明范欽安卿 著

賦得長安道送孫槐溪郡伯入覲

長安大道羅雲烟五城九陌森相連
隱隱王關標北斗迢迢銀闕直中天
飛塵百道空中起香車寶蓋紛
流水引輕俄過五柞前鳴鞘却向長楊裏
長楊五柞並崢嶸雲臺遙接建章宮
寶鼎香銷輕拂霧珠簾影動暗生風
金貂玉佩來無數輸心競博千金顧
子建新呈白馬篇相如更進長門賦
別有飛詔徵才英穎川渤海皆知名
受爵已沾關內貴佩刀無許殿中行

此意凄凉邈千古

高皇龍興最神武
纁帛煌煌下百州
布衣往往登四輔
盛事流傳到我

皇中興八葉稱重光
造語膝前推上相
程功闕下多名邦
使君五馬來非晏
一代循良誰不美
待詔先趨金馬門
承恩獨上麒麟殿
是時千官奉翠華
長安道上春無涯
珠鞭幾拂金河柳
絳筆重題御苑花
男兒立身豈草草
乘時致主應須蚤
執戟楊雄苦不遷
上書馮唐嗟已老
憐君意氣薄紫微
明良構會古所稀
雙旌縹緲破沉霧
目送遥天鴻鵠飛

送李孝甫太僕北上

萬里冷風吹早秋，塞鴻群起下南州。
問君擊劍有何事，出門翻作長安遊。
長安宮闕連天起，千門萬戶飛塵裏。
駿骨峻嶒易水寒，虹光掩映燕山紫。
往事蹉跎難具論，一飯那忘

明主恩。上書不到平津邸，待詔仍棲金馬門。我

皇神聖邁三五，寤寐賢豪心獨苦。
羽檄中霄徹建章，南擬平夷北平虜。
徵書闕下競繽紛，嗟君意氣薄

層雲。授筆未應推定遠，請纓聊復似終軍。
一日聲名遍京洛，書生亦有匡時略。
局促耻同轅下駒，昂藏信

是鷄群鶴請君酌酒駐君車人生離別情何如天長
日遠途路隔南來倘附青鸞書

吳太守歌贈泰恒使君

海日曛曛射城牖夾城老稚紛馳走車輒當達不得
前共言黽勉留太守太守褰帷浙之東治行今復有
吳公政舉六條猶揭日化行列邑爭趨風東家育子
不育女西家親屍委烈炬鼠竊宵行恣貪饕五木纍
囚隘圜圉我昔見之忿且哀天憐我郡吳公來下令
首禁焚與溺行微春生戶夜開有時青衿躬督厲列
席程能拔幽滯兩詞訊讞燭深情佼夫咋舌良咄咄

清朝太守數姜張後先
頡頏高與楊我公繼之更蕭
洒微名四海流芬芳公今啣

命向東土煌煌

璽書並薦斧我欲留公不可留
彼何天幸我何苦郭西簫鼓
襍喧闐祖道相將引畫舫我
民踉蹌空延佇如雛失母誰
當憐共脫公靴貌公象持向
人前泣相向爲問青史傳
循良祗今誰出吳公上

大夫行送方龍井赴虔州

大夫家世古番禺鳳毛麟趾
骨相殊負氣直應橫八極
摘詞不復數三都
去年伏策金臺下才賢競禮連

城價羞持片刺謁豪門驚報一麾司別駕翩翩白馬
從東來郡閣清虛江上開佩刀已負王祥望驥足還
恢麗統才

今皇南顧急康阜移官復佐虔州守去路遙衝廬岳
雲離心嬾折江門柳廬嶽江門路阻脩輕舟忽到虎
城頭填街父老爭來近欲言不言涕淚流自從風壤
連閩粵頻年寇盜稱猖獗眼中邑里半蕭條戰餘士
馬多埋沒安得貔虎陣如雲追隨四出策奇動殺氣
一朝南服撤捷書五夜

內廷聞悵我亦嘗叨督府圖惟日夕心良苦解纆

歸忽八春聞鷄尚憶劉琨舞大夫慷慨心獨憐有才
况属英妙年賣劍買牛直易事舒顏爲謝倉浪天鳴
呼舒顏爲謝倉浪天

贈黃端中

人家梁肉積如丘君今乏食能不憂人家滿堂閭羅
綺君今布褐能不耻早歲足跡遍三吳春風帳下羅
生徙不學臨邛遊不學高陽謁不學淮南仙不學平
陵黠義憤罵坐老猶豪那能低眉齷齪隨兒曹古來
志士稱骯髒眼底如君亦輩行

苦旱嘆

去秋禾稼紛滿鄉溪湖港汊水汪洋今秋旱魃驕無
紀眼看赤地成千里農人徬徨只悲嘶縱有桔槔將
焉施大戶僅可過小戶愁饑餓山樵水漁詎得力况
值官家急逋課居高聽卑惟皇天暴巫礫狗徒可憐
虎頭褭符三尺鐵詰朝猶聞觸龍穴

浮漚行

鴟鵂嚇鳳抵作虎世事翻覆那可睹我欲問天天莫
憑昨日晴明今日雨君不見運去英雄同壘囚來
奴虜廁通侯今古得喪誰能謀攬衣大笑出門去
茫茫天地一浮漚

相逢行留別周參政子籲

前年別君長安陌今年逢君昆明國義和促轡陽鳥
馳安得人事無變易迢迢瘴癘接蘭津巴雲棧月催
行人龍劍差池一回首君去哀牢我向秦

賦得玉河柳送葉司理柳沙

二月東風醒百草長安官柳春猶早窈窕纖枝拂御
溝參差清影迴瓊島金莖掌上露初晞丹鳳樓前情
更好欲舒未舒若有情含姿弄態殊娉婷已遣青門
催戲馬更教上苑喚啼鶯啼鶯戲馬蒼交加玉河春
色渾無涯畫橋嬌媚低籠霧紫陌盈盈曲映霞佳人

拾翠迷芳草公子微懽遲落花青絲玉勒三千騎翠
箔朱樓十萬家誰家院落不鞦韆誰人馬上不停鞭
歌鐘縹緲移清晝舞袖連翩樂少年醉裏祇尋花徑
去倦來偏向酒壚眠巴姬二八稱善沽謂言能歌復
能舞旋按琵琶調鳳皇却呼暖玉酬鸚鵡總多好鳥
會留春堤上風花不負人日日澄波穿大內年年柳
色上天津別有夫婿覓封侯別有蕩子遠遨遊折殘
玉腕難逢使嬈感娥眉嬾上樓玉腕娥眉情未已等
閒一夕浮颿起長條挫曳大道邊飛花宛轉深宮裏
金屋徒聞貯阿嬌玉簫柱自吹秦史不分雙雙蛺蝶

飛不分兩兩鴛鴦戲從他水面題紅葉羞我風前劈
錦衣水面風前兩兩休歇梨花深院披明月始知天上
有虧盈那得人間無決絕沉思此事詎堪嗟逢君結
束上京華太液波流爭蕩日金門垂柳正藏雅共懽
天子坐明堂乘春御氣紹虞唐
唐轡按軍客環細柳題
分詞客賦長楊葉開有字徒矜漢館罷無憂合笑梁
金馬石麟紛署置繡衣青鎖競彫翔
况君壘塊握多
奇奏計明光結

主知肺石久推滄海績陽春曾擅郢中詞佇看
綸詔出彤宮
凌霄駕漢爵雲虹好應明星輝紫極肯

隨弱絮舞回風

賦得黃金臺送李郡丞

吁嗟黃金之臺高屬天鉤陳太一相迴旋易水西來
吞瀚海太行北走跨祈連捫箕歷斗不易度白日晴
空流煙霧詞客酣歌碣石宮遊人來往軒轅賦短歌
長賦亦悠哉攬勝還從臺上來坐令五嶽煙峯出立
見中天日月迴下視薊門渾潏蒼白羊紫荆互低昂
五國連衡秦虎視結構毋乃燕昭王千金不惜購駿
骨百戰猶思闢故疆直將意氣感風雲結軛釋僑何
續紛齷齪詎數劇辛輩突兀却是昌國君仗筭東指

殺氣橫青齊倏下七十城何人不羨酬主烈何國不
矜得士名浮雲逝水不相待淒涼此意今安在褐衣
埋沒半蓬蒿冠劍摧頽幾崑崙揚雄終歲疲戟廬管
寧鼠迹投遼海凌霄駕漢何時平黃河俟清滄溟枯
可憐離離禾黍恨可憐宛宛督亢圖幾人能認荆軻
里何客猶尋燕國都我欲從之未可從四野蕭蕭但
烈風紫塞迢迢懸涿鹿黃雲慘淡迷盧龍以茲擊筑
動燕歌白虹貫日天爲摩幸逢

明主恢王略寤寐豪賢設禮羅亂世君臣那足問清
朝卿旅正須多君行報政上長安峻嶒氣槩萬人看

即喜三天覃雨露頓令九列綴鸛鸞從來烈士耻塵埃雲風感沓天地開借問祗今駟馬客何如重上黃金臺

寄吳叔嘉

去年花滿越江東逢君下馬灑冷風今年草茁長洲甸胡君去我不曾面來去蹉跎閱歲時淒涼懷抱誰當知世人重耳不重目燕石連城鄙荆璞賣賦江城直錢天台投足亦徒然落魄復向空門栖書劍蕭蕭只布衣病骨凌嶒日閉戶禿奴猙猙寧辭侮起來忽見芳草新回首高堂思老親五年不得展溫清

言依倚相爲命低眉涕淚橫交頤一夜空江鼓棹而
嗟嗟人生值此情可憐出門浩氣猶沖天我今聞之
驚且覩君顧謂我情不淺不見古來重領蓋寸心千
里耿耿在明年花發江上村遲君足練來吳門

淮陰行贈朱封君

君不見淮陰市上惡少年鬪鷄屠狗名聲傳探丸借
客身不惜叱詫按劍誰當前又不見淮陰城下有老
母年年漂絮不停手豪門巨戶嬾經過日得數錢僅
糊口往來車騎紛交馳王孫落魄未足奇少年跨下
甘受侮一飯何緣辱母知人生變化豈可常拜將登

壇侯且王千金報母義不負區區少年奚較量丈夫
得時心情磊落有如此齷齪豎儒胡足齒君不見朱
公子十六仗劍稱將軍三十聲名海內聞但言道家
忌多殺五十棄官等浮雲入山已密水已深憤時激
烈猶寸心莊光傲岸薄萬乘季布然諾輕千金五鹿
不啻角堪折一禽猶自戲難禁行年八十神如虎長
君能文少能武稱觴上壽朱紫紛當年四豪詎能伍
即今

聖主羅奇雄渭濱先已應非熊睥睨眼前誰得似王
孫千古揚英風

題李遇齋司馭所藏八駿圖歌

房星夜墮地維裂躍出八駿稱奇絕拳毛汗血類渥
洼龍鬣鳳臆獅子花追風躡雲掣流電刷影直登周
穆殿造父爲御七萃疲朝發鎬京暮瑤池觴行樂動
賓王母再拜薦桃大如斗宴罷來歸歌白雲貌出神
骨猶超群青蓮耳孫官司馭天閑十二翼一遇

今皇玄默拱九重出入警蹕乘六龍四夷賓貢羽獵
罷即有神駿將安庸司馭司馭爾莫猜壘塊亦似干
里才徵書十道下天府物色行上黃金臺

歸來篇

團團天上月蟾蜍啖食光精缺灼灼園中花隨風飄
蕩委泥沙世情變換反覆手那能終始不相負君不
見姬旦負宸忠流言四國身居東申生恭世子驪姬
密搆啣冤死煌煌君父誠不投何況握齟萌隸流崇
虎甘心譖西伯盜跖猶然咲孔丘逖哉壯士模結念
志倜儻子房不受萬戶侯魯連且薄千金賞歸來乎
泱泱東海神仙都有山可樵水可漁蹈譽賈禍非良
圖君不見炎漢中興徵草澤狂奴去作富春客

憶昔行贈張子受長憲

憶昔射策麒麟殿衆中始識春風面天街上苑日追

隨青袍白馬誰不羨瓊玖本爲上國珍金蘭況是同鄉彥經過復有王子與周仲翩翩意氣擅風流致身直擬侔稷契搗詞端不讓枚鄒一朝鮮袂賦河梁我守隨郡君爲郎世變風雲不可測忽聞承譴下潮陽賢聲縹緲轉四徹留曹二輔俱奇絕風采俄看肅八閩威名又報平西粵共懽西粵奏膚公何來諛構忽相攻

帝命輝煌猶寵秩君心隱約祇明農往來山谷嗜尋
真坐中亦有談玄人清名不受交親汚白眼頻遭俗
士嗔我亦骯髒賦歸來風前瞻對笑顏開只尺鄉縣

香千里花月不得時趨陪當日公車徵山海龍驤鳳
競藹藹曲江宴後五十春三百人中幾人在王子
吹簫向碧雲周郎顧曲不復聞河西蕭疎卜子夏灞
上憔悴李將軍以茲感嘆心膽豪眼前萬事如鴻毛
嘯呼但教白日隨傲睨不覺青天高張憲府氣如虹
方如虎年今七十我加五奉君千觴歌且舞澤畔蛟
龍尚有壺中蟻蠓何須數佇見還精五內融吐納
日月灑冷風偃佺松喬駭鶴鸞遊遨天壤樂無窮

五馬行送游使君一川奏最入朝

天馬連翩起渥洼迺是太乙之貺星駟之華萬里輕

身來塞國一朝物色歸天家
天家珍貴施裝飾彩纓
玉鐙黃金勒聲價何論十五都
璽書專畀二千石使
君按轡出長安道上行人聚
首看地分東越稱雄郡
官繫中朝作巨翰朱幡綉轂從
天下霞晃行春殊整
暇溟海風恬息怒濤甫田歲穰收
豐稼暮夜人家不
閉門伊五滿地書聲聞但教常稅
輸公府便可含飴
弄子孫日久已指鷹隼害時來
宜下鳳皇群從此歌
聲紛四起

昭代循良今有幾瑞麥雙岐未足
誇懽騰五袴真堪
擬去年上計遠朝天今年奏最諧
甘泉青絲不受奚

天一閣集卷之四

官東赤汗還應

聖主憐有詔，蓬才儲上苑。
黃驄紫燕稱，高選絕足驚。
空冀北群摧，眉肯齒轅中。
蹇軒轅野燕，昭臺雲風颺。
岱河山開拂，絳行看駭法。
駕嗟嗟使君，此去何時來。

京兆行送張孺覺還朝

文皇雄畧真，天挺戎衣一。
着羅圖靖涿，鹿初分召伯。
茅洛龜載定，周王弔神州。
外列八紘還京兆，分三輔間。
矗矗龍城懸斗極，煌煌鳳闕表天關。
萬戶千門夾道起，九衢三市煙塵裏。
星流寶馬美王孫，電掣未軒貴公子。
珊瑚步障闌華妍，憑陵非分不相捐氣。

薰天七貴寵風稜轉日五侯權王符寶券更頒封金
穴銅山賜獨隆曾倚法王傳佛土猶稱方士習僊風
翩翩節俠矜名行前掩四君後劇孟結客千金但解
裝報仇幾處還亡命博徒獵客冶遊郎酣歌作使邯
鄲倡笑逐珠丸戲馬地巧施金距聞鷄場別有梟雄
應徵調羽林出入卑群校防胡六郡盡良家竄盜三
河半年少也知貴重異他方也知艱阨慮非常經術
風流惟說敞威稜霆擊幾逢王看君結念非凡士金
門繫籍官三徙籌國重叅京尹銜傳家況有尚書履
尚書勲業上麒麟清朝委畀股肱親欲知今日酬恩

者應是當年濟美人

送戴學諭之武昌

天風颯颯吹枯桑出門滿地羅冰霜河梁對酒慘不
御歲暮當君向武昌武昌遙跨翼軫躔吳蜀秦粵相
鈞連上有干霄閉日之樓觀下有排山倒海之迴川
霞駢羽珮時來往環視六合俱蒼然櫛衡賦崔顥篇
凌雲逸氣何翩躚世間蟻螻競馳驟安得神情與爾
相周旋我昔五馬出漢東童冠絡繹來趁風氣吐虹
霓攬日月就中君更稱豪雄我捐金虎節君上玉龍
宮風雲一日看感沓寧閒海上猶相逢屈指韶華四

千秋君猶趨健我白頭

帝命銅章復造士晝錦恰是故鄉遊我顧謂君且弗
撻碎黃鶴樓且弗踢翻鸚鵡洲當日豪華等塵土惟
有達士稱鴻謀況君結束磊落非凡流君不見文翁
石室馬融帳雄風千古行當暢

客有談元夕行遊者因示

曉來鼓吹滿城喧風俗流傳慶上元自是銀花輝萬
樹誰教浩月駐千門踏歌遊侶爭連袂調笑胡姬笑
舉尊欲就霏談酬逸興輸君門美是王孫

邊警

虜騎憑陵擁左臂南來烽火徹甘泉欲知

明主臨軒日恰是皇天悔禍年一統河山常屬漢萬
年王氣正當無雄心無地抒籌畫夜夜登臺矚斗躔

天一閣集卷之五

四明范欽安卿 著

秋懷

故園饒白髮，吾道本滄洲。
一葉洞庭下，相隨日夜流。
逢人頻問信，扶病亦登樓。
何事秋風候，淒涼無限愁。

答鄭德卿江行見懷之作

僊遊同李郭，高誼薄陳雷。
忽枉舟中作，真憐洛下才。
江空龍獨卧，雲暖鴈初回。
早晚登黃鶴，能孤汎菊杯。

懷楊夷陵

消息能無定，相將歲序深。
孤城一眺望，落木共蕭森。

未即商山去，猶然楚澤吟。
祇應風雨候，淒斷別離心。

秋夜

亦是傷秋客，能禁清夜徂。
寒沙隨霧暝，落月抱城孤。
極北惟明主，關西盡羯胡。
城笳何處動，宛轉下平蕪。

秋日野眺

斜日空臺上，秋清望眼收。
沙平窮海出，天盡片雲流。
松菊寧三徑，風煙但四愁。
北來群鴈侶，渺渺向何州。

塔寺

寶宇臨青嶂，丹房矚繡廊。
傳燈留弟子，問法禮空王。
風送梵鐸響，雲摩珠頂光。
慈恩貪想像，疑望五雲長。

江上翫月

萬里空江月，孤舟入夜看。
關山何處是，烏鵲不勝寒。
氣逼銀河轉，光含玉露團。
踟躕瞻斗極，髣髴辨長安。

秋夕旅懷

南郡尚優游，東山安可求。
笛聲中夜月，河影萬山秋。
鴈度沙洲急，龍嘯洞壑幽。
思隨湘水去，日夜共悠悠。

寄陳駕部國祥

不見陳司馬，蹉跎幾歲年。
長江無旅鴈，絕塞有風煙。
羽檄連宵動，瘡痍何日痊。
憑將賈生疏，太息漢庭前。

江上遇張博士思順

擊榜亂相聞清尊對故群金微流妙思玉樹倚清芬
月暗巴山路風驅湘浦雲悲秋俱不盡擬續九歌文
送人還京口

霜日淨蕭蕭江空去路遙天低吳苑樹月湧海門潮
沙鴈依漂泊風砧送寂寥猶能望霄漢時奏白雲謠
別趙栗

野曠清霜迥天寒玉漏遲如何故人去仍與北山期
風折漳河柳雲深長嶽祠將因南雁度遙寄采芳辭
宮後苑即事

倦園矚瑤宮重門閣道通草驚瓊砌瑣花犯上陽紅

纖羅延素月輕管雜流風獨有明河水含情日夜東
初春宴崔駙馬山池

芳苑倚雲開輕羈控日來雪殘鳴鶴埒春轉舞鳳臺
竹外青尊出花邊綵騎迴祇憐金谷勝不放玉山頽
清道

帝輦中天出星衢八極開香塵淩雨散僊樂候風來
海日流王氣雲龍引上才慚將沾洒力歌舞答恩培
昌平道中懷王子長皇甫子循員外

並馬披青甸分岐隔紫曛雲流占鳳藻河色辨星文
珮似凌風舉琴宜待月聞勞歌將永夕聊以慰離群

贈俞參軍再官廣南

南征羽檄紛啣命更須君久擬
虬髯貴行當虎畧聞
琬弓翻月影龍劒抱霜文想到
塞帷日棠陰滿地曛
晚次都門禮卿過訪

故人江海別隔歲一相逢祇訝
形容異那知語笑重
張燈開夕榻振珮候晨鐘異績
龔黃並能卑即墨封
包城寺宿二首

鷺嶺蹴諸天龍宮敞法筵雲霞
物外賞水月靜中緣
古塔寒煙積虛堂夕照懸塵根
如可淨吾此學安禪
梵閣俯千墉雲泉滴暗松人歸
蘿逕月僧定石門鐘

萬劫塵爲幻諸方寂是宗冥心非欲問蓮霧夕重重

淮南別禮卿惟禎同年四首

春旦下瑤京蒼郊草樹明旌旂天上轉簫鼓斗邊行
龍馬千齡會詞章乙代名同遊並英俊虛薄媿吾生
觀日秦時閣歌風漢帝臺雄圖千載盡幽賞幾人來
感慨思前事登臨仰上才不知霄漢路誰遣逐臣回
十年同散吏萬里各他鄉映日離尊滿牽風去袂長
星河澌夜色梅柳競年芳獨有王孫草相看思未央
去去閩山路悠悠節序過天連一水濶雲入萬峯多
塘草催春夢渭城喧夜歌平生雙寶劍投贈欲如何

呂泉

飛劍斲流泉相傳值呂僊度風開浙瀝映月弄潯溪
幻迹居人秘高名過客憐朗吟還欲問幾度洞庭煙
至家

他鄉常作客歲暮一還家眼看風霜換心知道路賒
二親仍膝下諸弟半天涯明發西陵路淒迷博望槎
秋日閣望

楚地三年客江鄉萬里臺清秋頻悵望何日好歸來
塞北深烽火郊墟半草萊登臨何意緒遲暮此邈回
雨上天池偕蔡道卿學憲

乘春同出郭，冒雨更登山。
蛇徑千盤轉，龍宮一鏡環。
好花臨路發，幽鳥待人還。
可似陶彭澤，歸來早閉關。

天池寺

寶地千峰迥，珠林一徑攀。
薜蘿開水殿，風日澹春山。
鳥道虛無外，鍾聲縹緲間。
仙遊探不極，惆悵使人還。

佛手巖

卧愛天池寺，行遊佛手巖。
地偏留霧雨，臺古落松杉。
玉液雲同注，瓊花壁自銜。
仙源知漸近，回首隔塵凡。

白鹿臺上有高皇御製周顛碑

地據匡廬勝，仙傳神母齊。
高皇勞寵異，此日共攀

躋虎戰康山北龍遊泗水西遺靈何處問蕭緘亂猿啼

寄顧道州

瀟洒東吳客清時獨遠投路從衡岳轉江繞汨羅流
白芷騷人怨蒼梧帝子愁相期不相見流恨日悠悠
湖口舟趨彭澤

春艫坐來空帆開趁好風山臨陶令里臺過楚王宮
擊楫中流別乘槎上漢同江湖瞻魏闕具有意無窮
沅江

春風江畔路幽興自相關獨鳥天邊去孤雲海上還

世情餘白髮更隱有青山何事楊朱子臨岐獨愴顏
曉行望玉笥次夏桂洲少師韻

望望山猶出行行夜未闌路疑三島近烟作五陵看
水國春星澹花宮曙月寒賞心無與晤遙睇碧雲端
送王郎中還桂林

送爾西行路蒼蒼春不分著花悲去國把酒惜離群
岫影盤天出猿聲入夜聞洞庭波浪濶何地吊湘君
袁邦正移官白下

金陵佳麗地千古帝王州日抱龍江轉天臨象闕浮
吏情依白鳥官舍俯丹丘卽此成真逸無須訪十洲

國門遇沈德清

龍虎天中閣風雲海畔臺我行猶萬里君望已三台
故舊今餘幾星霜歲屢迴無辭俱酩酊明發異風埃
出京宿永濟寺同禮卿得遊字

落日促行輶停林賦遠遊霜鳥驚不定冰壑凍仍流
世態徒青眼風塵易白頭好憑今夜月流影入皇州
寺中

虛館明燈罷蒼茫步夕烟霜鍾流萬壑月梵近諸天
世路浮雲外鄉心逝水邊已曛看槎落無語共安禪
雪

林卧三冬晚亭虛四望幽何緣中夜雪猶作王京遊
淑氣含風爽寒光帶日流如聞穆天子黃竹思悠悠

雪和禮卿

漠漠玄陰敞霏霏急霰催銀河隨月瀉王樹拂雲開
地似梁園勝人宜剡水來陽春真有調寡和愧非才
病懷

佳節當三月閉門春可憐烏驚愁裏換花憶醉時然
潦倒還今日風流豈昔賢遲回情不極搔首向江天
夜出吳城

霸國他年地羈人獨夜舟空江堪北驚大火正西流

鴈起遶邊塞烏飛繞戍樓壯心輕萬里能作故鄉遊

樵舍驛

曠野繁霜麗寒天落木紛紛春當夜急漁火逼江曠
澹泊存真性沉冥謝典墳無言鄉國渺當有鴈書聞
送蔡道卿二首

驄馬絡朱纓逢君嶺海行晴天看蜃市落日到羊城
經術推劉向風流羨長卿壯圖張矢在漫使客心驚
論交自往年臺省接聯翩復此江湖去其如夢寐懸
坐憑南斗氣愁賦北風篇何日雙魚素遙從海上傳
初至袁州

無才勞 聖主何術起蒼生為憶昌黎子修祠百代
名

庾樓磯

古人今不見還上古時臺落日空江畔浮雲萬里來
清尊還自酌幽抱為誰開迢遞關河路風高首重回
貽余秀才

英妙逢吾子襟期為一開明時真有待何地不生才
學可三冬足文應兩漢裁先朝諸俊達壯觀未塵埃
賀樵雲將軍生子

江國流虹地王孫降嶽時鳳毛矜五色龍種想餘姿
喜動朱門客名標玉牒詞河間稱禮樂他日赴心期

宿東林寺二首

金沙颺晚風塔樹隱龍宮法雨懸空外天花落鏡中
坐來羣籟寂悟裏萬緣空他日開蓮社還期叩遠公
香臺控積岑華月曙沉沉几浮雲靜開門芳草深
渾忘去住跡欲了死生心孤磬泠泠發因風送遠音

圓通寺

一徑盤空轉羣峰夾寺斜臺虛窺日月地迥接煙霞
客至依祇樹僧閑誦法華慈航如可汎先擬度恒沙

寺中七夕

龍象何年宇重來七夕臨女牛中夜會河漢隔年心
月映金波濺風高玉漏沉漢宮深幾許莫使早寒侵

翟生有序

三楚山人翟生抱藝淵宏抗志蕭曠與世濳
落無所容邀遊江海王公大人望風招致之
竟傲睨不顧間遇騷人墨客即吐肝膽相引
庶幾有仲連子長之風然寄興詩繪非其志
也邂逅江干輒投情懷
爰裁短章用表微尚云

翟生湖海彥逸氣橫無前千金輕一諾斗酒揮百篇
恥為

明主謁寧受世人憐結束高陽侶沉冥沽市邊

發江州

歲久湓城客移官向楚關山川通五嶺物候雜諸蠻
抗疏期同賈論功恥學班窮途非所恨萬里足生還
別華主事補菴

花鳥逸翩翩風江散遠煙正逢歡賞日忽動別離筵
驛路紆千障心期共百年潯陽東去水何日到天邊
留別省中諸君子

祖席接羣公驪歌急晚風客程千嶂外心事一杯中
纖月沉前浦繁霜媚遠空還期他日路留賞故人同
送袁宗正下第

失意向蒿萊驅車且莫哀青春堪作伴盛世解憐才
白獸天中闥黃金薊北臺壯圖看不減行矣出風埃
送趙生入京

擊筑向來工燕歌起暮風那知離別日猶似夢魂中
象關風雷動龍門日月通飛騰占意氣肯復嘆途窮

思歸

宦久苦思家行吟鬢欲華望窮滄海路愁對楚鄉花
秋至催寒事城孤急暮笳尺書極不發誰與達天涯
九日海天寺閣同陳員外天資

空洞中天宇風流南粵才殊方同作客九日始登臺

把酒黃花映憑欄白鴈迴不須頻折簡乘興自能陪

始至興安

夜出三湘道朝臨百粵隈山花冬際發瘴霧日中開
風急玄猿嘯城孤畫角哀誰知萬里客銜命此中來
度桂嶺

陟險初迴嶺乘高一望鄉楚雲兼水白吳樹接天蒼
影逐南飛鴈心馳北去航始知浮海者不是愛遐荒
夜渡龍江

迢遞龍江道輕舟入夜過風程看不定宦况欲如何
宿鳥歸林盡游雲出水多採蓮逢渡口雙棹月明歌

舟夜即事

江臯當此際幽獨自相依
短篠臨風整輕鷗掠水飛
村虛漁火近人靜竹枝稀
遙想關山外何時載月歸
宿陽翔江得偏字

江舟臨夜泊愁絕不成眠
曙色窺窓盡灘聲到枕偏
草蒸兩岸暑瘴老百蠻天
豈少楊朱淚揮當岐路前
詠史

誰道漢天子渾忘草昧功
鼎烹歸上將械繫及三公
往事淒涼後何人涕淚中
雲霄橫萬里流目送冥鴻
舜廟

不謂重華廟還留滴水陰草荒迷輦道洞古發韶音
銅千載悲思地當時出狩心蒼梧望不極雲日晚沉
沉

落落

落落牽行役蕭蕭轉物華一春常卧病萬里獨思家
坐對山城月行攀桂嶺花皇恩知不薄詎敢擬長
沙

聞夏閣老下吏作

中朝推絕席垂老坐幽囚謾上鄒陽疏仍深賈傅憂
時人多落落明主自休休會見金鷄赦還君芳桂

洲

哭德兒六首

嶺外移舟日宵中憶汝時歸來看物色零落已如斯
謾說生蘭夢翻深埋玉悲殤竟招不返渺渺竟何之
神自廬山降身隨嶺海遊明珠方炫日玉樹忽先秋
淚眼從風落愁心傍水流向來懽賞地今日爲誰收
年來雙短髮眼底幾青袍夢自占龍種生時毋夢龍入抱人
多擬鳳毛多才天亦妬無福我難叨寂歷江山外徒
令涕泗勞

念汝提携日居然即老成把書常作誦見客每知名

後事堪孫策前身似彌衡相違即相失留恨何時平
桂水泠泠碧山花寂寂紅無心同夜鶴何計挽春風
坐惜年華轉愁看旅况空金輪如可借遲汝玉光中
十年兩喪子此日更傷心身落浮雲外家臨滄海濤
槭書愁不寄旅襯去難任遠愧霜前燕相依水石陰

楊濡川僉憲招飲沈紫江總兵宅不赴二首

畫戟將軍第青驄憲使才亭開初避暑客至且啣杯
未盡東南興徒驚節序催漸看筋力健驅馬自能來
河朔高人會山陰倦客栖幽憐花徑轉醉想水亭題
妙舞風中起清歌月下低總看佳勝在何日得攀躋

宋茂才還袁州三首

海上憂居地勞君訪舊臨
淒清千里道辛苦幾年心
花發吳門早雲連楚澤深
一尊催曉別愁思耿難禁
日出海潮平乘風掛席行
洲迴鄔子國江轉楚王城
攬勝裁新賦停杯問遠程
清朝崇俊茂早擬策休名
昔年勤訪俗爾父最稱賢
俄報歸泉壤頻驚閱歲年
江春迷夢蝶風夜急啼鶻
愧乏延陵贈因歌薤露篇

送吳別駕入覲四首

送爾朝元客蒼茫歲暮天
風江催去棹霜日慘離筵
京國浮雲外交情逝水邊
猶看諸父老流涕使人憐

月集卷之三
迢遞長安道徐看按轡行霜晴衝落鴈春早候啼鶯
日月開燕甸河山抱漢京壯懷紆歷覽藻翰獨馳名
振珮趨丹禁聽鐘上紫霄廣庭鷄鷺集韶管鳳凰調
樹杪天河澹池含苑日嬌向來江海意珍重達神堯
春色滿皇州情高攬勝遊探花占鳳掖結騎過龍樓
香裊林端霧波澄天上流欲知人世外別自有丹丘
題世節卷

聞道蘭閨媛貞心協後先褒章天闕下聲問海城懸
積霽沉粧鏡寒蕪長墓田更生曾有述千古許同編
送楊文學

聞君結高隱遙在楚江濱作宦逢陽閨歸程及暮春
風塵雙醉眼天地一閑身儻過三閭廟無辭薦渚蘋
送張子受叅政廣右四首

又作閩中客初移嶺外遊分方周亞伯建節漢諸侯
天遠龍蛇國霜驅瘴癘秋伏波銅柱在剔蘚好停輜
西土驅馳日支離笑此身爲看今去路轉憶舊遊人
雲裊梧城夕花迷粵甸春漫將他夜夢縹緲逐行塵
楚塞極南地人傳萬里橋湘離分一水白黑襍諸苗
譯語初通漢文風漸慕堯君才稱慷慨端不負清朝
故友日寥落君行復異方路岐當一別雲樹鬱相望

賦就知湘浦書來定夜郎不妨江海客長日咏滄浪

題林氏春谷草堂二首

春鳥日嚶嚶春花開滿城憐君栖跡處雲木澹孤清
田客青精飯逃禪白社盟不知人世外更自有蓬瀛
攬勝結幽居芳春興不虛人疑翼漢後地是避秦餘
待月春丹藥臨流諷道書寄言朝市客擾擾欲何如
秋日偕王子長袁宗正諸君遊明山由長春門
歷北渡迤邐至江口忻然有作

共向明山去長歌愜壯遊微茫江口路瀟灑郭南舟
霞氣沾衣袂波光蕩酒甌不愁西日暮朗月正中秋

登江口塔

古塔緣危剎登攀思獨雄
長天積水靜落木萬山空
夜見西馳日霜催北下鴻
誰能乘逸興去去入無窮

望禹陵

紫氣峻嶒起人傳大禹陵
龜留洛水錫龍並鼎湖升
芝檢河山祕蘿圖日月憑
祈靈紛羽士儼見翠華仍
遊雲濤觀

雲水混虛無秋臨萬象俱
玉壇伍北斗金闕敞玄都
榜揭三天字箱傳五岳圖
丹砂如可就詎惜歲華徂
慈覺寺

淨境倚江濤，參差雙樹林。
慈雲迷法眼，慧日照禪心。
花自空中落，人從物外尋。
忽聞清吹發，延賞意彌深。

宿寶林寺

寶地知名久，秋晴結轡來。
坐當幽澗合，懷並好風開。
竹徑盤棋局，天花落酒杯。
不妨淹永夜，海月欲臨臺。

山行

一徑泝烟霞，行歌路轉賒。
問津多野叟，寄食半僧家。
谷靜聞啼鳥，林香送落花。
天昏燈火起，猶自攬星槎。

隱潭

踞石千峯暝，臨流萬壑空。
却循蒼石徑，還下白龍宮。

瀑急霏晴雪波輕漾彩虹不知深窺底暗與漢津通

明山

靈阜層霄上登攀竟夕曛門流滄海月花落剡溪雲
僊竈從誰借樵歌迥自聞待尋名嶽遍歸著五遊文
偕子長訪陳時卿叅政

京國一爲別心情日黯然來從江畔路却對菊花筵
落鴈迷寒堞繁霜媚遠天未論出處異幽緒自相憐
陳子夜過清道觀二首

促騎發長誼幽尋興獨豪入門星歷歷下榻雨蕭蕭
世路逢多難年華閱二毛無辭共杯酒坐待月輪高

洞府秋逾淨，沿溪霧樹深。
篝燈一夜語，風雨十年心。
高鳥冥冥去，寒蟬嘒嘒吟。
興餘笙吹發，遙送下雲林。

觀中閣望

桃水結僊都，秋攀興不孤。
開襟坐霄漢，流目盡江湖。
日冷龍蛇蟄，風生鴈鶩呼。
玉簫乘月度，縹緲鳳仙俱。

次韻陳石卿尚寶別業二首

湯山最高處，新起讀書堂。
地僻人烟少，林迴鳥道長。
風泉吹浙瀝，海日動微茫。
不待重陽到，能追落帽狂。
李相平泉里，裴公綠野堂。
千秋人不作，此日意俱長。
天地憑寥廓，風烟接混茫。
鳳歌時一發，寧似接輿狂。

懷程松溪少宰

海內程夫子心源河洛傳無書通問訊有夢隔山川
月白城烏起霜清塞鴈偏何時分半席細語到忘筌
胡虜

驕虜真無賴乘秋薄帝京兵連青海戍路闌白羊城
將帥虛分閫儒生未請纓可將漆室意萬里達承明
諸將

諸將分麾日驕胡犯順秋烽侵邊月苦陣結塞雲愁
共受安危寄誰分宵旰憂欲知班定遠萬里亦封侯
燕京

燕京天府國我

祖奮揚初上洛符周歷驅胡闢漢居河山四塞裏生
養九朝餘捷伐何時奏空懸露布書

同袁宗正毛叔成舍弟武卿遊翠山寺

地擁中峯起門迎積翠開靜憐僧獨住勝喜我初來
法雨佊侵席天香暗下臺何人能入定長日坐遲迴
資福寺

桃源纔一轉瀟灑寺門開黃葉爭迴砌青蓮獨上臺
鴈逢南國至人憶往年來欲了三生話途長夕騎催